

De teyn vorstender / scholen myt gantzem flyte alle tynße
vphuyngē ynkommen / vnd schulde beyde stantkafftīge vnd
thofellige manē vnd yn den gemenē kassen ynbyngē / so vele
vmmē mögēlīck / vñ ane vnderdruckynge der armē gescheen
kan / yn vnnothclīckem wesende vnderholden.

Zumpt tzyer bymester.

Two Bymester / scholen de teyn vorstender vnder syt sal
ten vororden / welkor beyde / myt rade vnd wetten der anderē
achte / vorsorgen scholen de gebūwete / des goddes huses / der
Briggē / des Parhoies / der Scholen / der Kusterye der Hospis
talen Ock dat dūsse beyde / yn goddes huse / myt twen seckel
ken edd taffelē / so vaken vnse yngeparrede vorsamlinge jegen
wordīck / de Almessen / to beholdinge der armen / bydden / vnd
also balde yn de beyde dar tho vorordente geltstöcke / opent
lick ynshūdden / dar van de stotel yn gemenē kassen schōlen
entholden / vnde dorck de teyn vorstender samptlick / dat gelt
dar vth alle Sondage genomen / forder yn gemenē kassen ges
lecht / vnd yn dat reken Register egentlick beschreuen werden
schal. Ock de almessen / an etender spyße vnd vorrade / welkor
vorderfflick / na dem yd eins ydern Sondages vor nottofftīck
vnd gudt angesehen / vnde dorck de teyn vorstender samptlyck
beslotē / degelīck vnder de armē vthdelen. Wat werhafftiger
stūcke / scholen vth den Almēß kassen genomē / vnd an beqwe
men sorden yn goddes huse / alwe ge wente vp eynē Sondach
vorwart / vñ also forder na gudtdancken der teyn vorstender
vor de armen vthgedelet werden.

Fromde beszveringe affgelecht.

Na dem wy Erbar manne / Radt veerdelmester Eldesten
vnd gemene ynwonner / der stadt vñ dorper vnser parrampts